

Na osnovu člana 37.stav 1. tačka g) Ustava Zeničko-dobojskog kantona, Skupština Zeničko-dobojskog kantona na \_\_\_\_ . sjednici održanoj \_\_\_\_ .2013. godine, d o n o s i

## **ZAKON O IZMJENAMA I DOPUNAMA ZAKONA O SUDSKIM TAKSAMAMA**

### **Član 1. (Brisanje člana 5.)**

U Zakonu o sudskim taksama („Službene novine Zeničko-dobojskog kantona, broj: 12/09, 4/11, 7/11 i 2/12) član 5. briše se.

### **Član 2. (Izmjena člana 8.)**

U članu 8. stav (4) briše se.

### **Član 3. (Izmjena člana 11.)**

U članu 11. stav (1) tačka j) mijenja se tako da glasi:  
„j) djeca predškolskog uzrasta, učenici i studenti za vrijeme redovnog školovanja“

### **Član 4. (Izmjena člana 25)**

U članu 25. iza riječi „određuje“ dodaje se riječ „sudija koji vodi postupak“ riječ „se“ briše se, a iza riječi spora stavlja se tačka, i preostali dio teksta se briše.

### **Član 5. (Izmjena člana 31)**

U članu 31. stav (1) mijenja se i glasi:  
„(1) Ukoliko u toku trajanja postupka dođe do promjene vrijednosti spora mijenja se i osnov za utvrđivanje plaćanja sudske takse, pa se ista utvrđuje prema izmjenjenoj vrijednosti spora.“

### **Član 6. (Izmjena i dopuna Tarifnog broja 1.)**

- (1) U Tarifi sudskih taksi, Tarifni broj 1(Taksa za podneske) stav (13) mijenja se i glasi:  
„(13) za zahtjev za donošenje odluke sa kojim će roditeljem dijete živjeti, plaća se taksa u visini 50 KM“ ,
- (2) Dodaju se stavovi (14), (15) i (16) koji glase:  
„(14) za zahtjev o načinu održavanja ličnih i neposrednih kontakata između roditelja sa kojim dijete ne živi, plaća se taksa u visini 50,00 KM.,  
(15) za zahtjev za ponavljanje postupka, za žalbu protiv rješenja o odbačaju revizije, koju donosi prvostepeni sud, plaća se taksa propisana stavom (7) ovog tarifnog broja“ .

16) za žalbu protiv rješenja o odbačaju žalbe, protiv rješenja o odbačaju ili odbijanju prijedloga za ponavljanje postupka plaća se taksa propisana stavom (7) ovog tarifnog broja“, a dosadašnji stavovi (14), (15) i (16) , postaju (17),(18) i (19).

#### **Član 7. (Izmjena i dopuna Tarifnog broja 2.)**

U Tarifi sudskih taksi, Tarifni broj 2.(Taksa za odluke) stav (5) mijenja se tako da glasi:

(1) „(5) za rješenja o prekidu postupka, odbacivanju ili odbijanju zahtjeva za ponavljanje postupka o odbačaju revizije, koja donese prvostepeni sud, plaća se polovina takse propisane tarifnim brojem 1. ove tarife, ali ne više od 200,00KM“,

(2) Dodaju se stavovi (6), (7) koji glase:

„(6) za rješenja o prekidu postupka, odbacivanju ili odbijanju zahtjeva plaća se polovina takse propisane tarifnim brojem 1. ove tarife, ali ne više od 200,00KM.“

(7) za odluku suda sa kojim će roditeljem dijete živjeti i odluku o načinu održavanja ličnih i neposrednih kontakata između roditelja sa kojim dijete ne živi, plaća se polovina takse propisane tarifnim brojem. 1. ove tarife“, a dosadašnji stavovi (6) ,(7), (8) i (9) postaju stavovi (8), (9), (10) i (11).

#### **Član 8. (Izmjena tarifnog broja 13.)**

U Tarifi sudskih taksi, Tarifni broj 13. (Taksa za podneske) na kraju teksta umjesto tačke stavlja se zarez i dodaje novi tekst koji glasi:

„ dok se za podnesak kojim se traži uspostava novog zemljišnoknjižnog uloška plaća taksa u iznosu od 100,00 KM“.

#### **Član 9. (Izmjena tarifnog broja 14.)**

U Tarifi sudskih taksi, Tarifni broj 14.(Taksa za upise podataka) u stavu (2) tačka c) mijenja se i glasi:

„ c) uknjižba etažiranja objekta kolektivnog stanovanja ili poslovne zgrade 200,00 KM, a uknjižba etažiranja objekta individualnog stanovanja 70,00 KM“.

#### **Član 10. (Izmjena tarifnog broja 15.)**

U Tarifi sudskih taksi, Tarifni broj 15. (Taksa za prijepise i izvratke), tačka a) stava (1) se briše, a dosadašnje tačke b), c) i d) postaju a), b) i c).

#### **Član 11. (Brisanje tarifnog broja 25.)**

U Tarifi sudskih taksi, Tarifni broj 25. (Taksa za punomoć) briše se.

#### **Član 12. (Izmjena tarifnog broja 27.)**

U Tarifi sudskih taksi, Tarifni broj 27.(Taksa za prijepise), stav (3) iza riječi „originala“ preostali dio teksta briše se, a dodaje se novi tekst koji glasi

„plaća se taksa i iznosu od 1,00 KM za svaku započetu stranicu“, a stav (7). briše se.

**Član 13.**  
**(Izmjena tarifnog broja 28.)**

U Tarifi sudskih taksi, Tarifni broj 28.(Taksa za izvode iz sudskog registra i drugih javnih knjiga) stav (2) briše se

**Član 14.**  
**(Brisanje tarifnog broja 31.)**

U Tarifi sudskih taksi, Tarifni broj 31.(Taksa za ostale upise) briše se, a Tarifni broj 32 i Tarifni broj 33, postaju Tarifni broj 31 i Tarifni broj 32.

**Član 15.**  
**(Dodavanje novog tarifnog broja , Taksa za Jedinostveni pristupni kod)**

U Tarifi sudskih taksi, dodaje se novi Tarifni broj 33.(Taksa za Jedinostveni pristupni kod) i glasi:

**„Tarifni broj 33**  
**(Taksa za Jedinostveni pristupni kod)**

Za zahtjev za izdavanje Jedinostvenog pristupnog koda – JPK, plaća se taksa u iznosu od 15.00 KM.“

**Član 16.**

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o sudskim taksama.

**Član 17.**

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“

**PREDSJEDAVAJUĆI**  
Sretko Radišić

Broj:  
Datum,  
Z e n i c a

## O B R A Z L O Ź E N J E

**Pravni osnov** za donošenje zakona sadržan je u članu 37. tačka g) Ustava Zeničko-dobojskog kantona, kojim je propisano da Skupština kantona usvaja Budžet kantona i donosi zakone o oporezivanju i na druge načine osigurava potrebno finansiranje, te u članu 10. i 11. Zakona o pripadnosti javnih prihoda u Federaciji Bosne i Hercegovine („Službene novine Federacije BiH, broj 22/06, 43/08 i 22/09) kojima je regulisano da kantonima pripadaju naknade i takse u skladu sa kantonalnim propisima, te da se iz kantonalnog budžeta finansiraju institucije sudske vlasti.

### Razlozi za donošenje zakona

U primjeni važećeg Zakona o sudskim taksama na području Zeničko-dobojskog kantona, od njegovog donošenja do danas, pojavile su se određene nejasnoće kod primjene pojedinih odredbi, kao i manjkavosti zbog toga što neke situacije nisu bile propisane zakonom, a svakodnevne su u radu sudova. Na iste su ukazivali sudovi na području Zeničko-dobojskog kantona, te su predložene izmjene i dopune i urađene u tom smislu.

### Obrazloženje pojedinih rješenja

U članu 1. brisan je član 5., jer je istim bilo propisano da sud neće poduzimati nikakve radnje ako takseni obveznik nije platio taksu koja je zakonom propisana. Na ovaj način je ograničeno pravo na pristup sudu, odnosno mogućnost vođenja sudskog postupka, čime za stranku u postupku mogu nastati neotklonjive štetne posljedice. Ovakav pristup je suprotan samoj suštini prava na pravično suđenje iz člana 6. stava 1. Evropske konvencije za zaštitu ljudskih prava i osnovnih sloboda. (Neustavnost ovakve odredbe utvrđena je Odlukom Ustavnog suda Bosne i Hercegovine, broj U-18/12, od 23.11.2012. godine).

U članu 2. brisan je stav 4. člana 8., jer se postupak prinudnog izvršenja radi naplate takse može pokrenuti saglasno članu 32. Zakona o sudskim taksama („Službene novine Zeničko-dobojskog kantona, broj: 12/09, 4/11, 7/11 i 2/12), samo na osnovu pravosnažnog izvršnog rješenja kojim se nalaže plaćanje takse. Zato žalba protiv tog rješenja može odložiti izvršenje i o njima odlučuje kantonalni sud.

U članu 3. izmjenjena je tačka j) člana 11. tako što se i predškolska djeca oslobađaju obaveze plaćanja takse. Do sada su od plaćanja sudske takse bili oslobođeni učenici i studenti za vrijeme redovnog školovanja, a predškolska djeca nisu, što nije imalo opravdanje.

U članu 4. izmjenjen je član 25. tako da vrijednost nepokretnosti u sporu utvrđuje sudija, a ne komisija općinskog vijeća, a iz razloga ekonomičnosti.

U članu 5. mijenja se stav (1) člana 31. tako da promjena vrijednosti spora u toku postupka (bilo da se poveća ili smanji), dovodi i do promjene osnova za utvrđivanje iznosa takse koja se plaća. Kako u praksi, od momenta podnošenja tužbe do okončanja postupka, vrlo često dolazi do promjene vrijednosti spora, potrebno je predvidjeti mogućnost izmjene vrijednosti takse u skladu sa vrijednosti spora

U članu 6. izmjenjen i dopunjen je Tarifni broj 1. brisanjem stava (13), jer situacija koja je propisana tim stavom ( plaćanje takse za podnesak primljen na zapisnik kod suda, kao i za podnesak primljen u toku rasprave) ne znači podnošenje novog podneska na koji bi se plaćala sudska taksa, a dopunjen je radnjama (podnošenje zahtjeva za donošenje odluke sa kojim roditeljem će dijete živjeti i zahtjeva o načinu održavanja ličnih i neposrednih kontakata između roditelja, zahtjeva za ponavljanje postupka, žalbe protiv rješenja o odbačaju revizije, koju donosi prvostepeni sud, žalbe

protiv rješenja o odbačaju žalbe, protiv rješenja o odbačaju ili odbijanju prijedloga za ponavljanje postupka) koje se svakodnevno provode na sudu i u velikom broju, a dosadašnjim zakonom nije bila propisano plaćanje takse za iste.

U članu 7. brisana je tačka 5. tarifnog broja 2., jer situacija propisana ovom tačkom ne postoji, a isti je dopunjen radnjama koje se svakodnevno provode na sudu i u velikom broju, a dosadašnjim zakonom nisu bile propisane.

U članu 8. i članu 9. izmjenjeni su tarifni brojevi 13. i 14. jer je bilo potrebno uvrštavanje odredbi koje se odnose se na veoma složene i skupe postupke koji se provode u zemljišnoknjižnim uredima, a čije dosadašnje neuvrštavanje u ovaj zakon je predstavljalo značajan gubitak sredstava.

U članu 10. izmjenjen je tarifni broj 15 brisanjem tačke a), jer ne postoji opravdanost izdavanja neovjerenog zemljišnoknjižnog izvataka, niti neovjereni zemljišnoknjižni izvadak ima svrsishodnost, te je potrebno isključiti mogućnost izdavanja istog.

U članu 11. brisan je tarifni broj 25, jer sud ne izdaje punomoć niti se može izdati usmena punomoć.

U članu 12. stav (3). je izmjenjen, a stav (7) brisan, radi lakše primjene ovog člana u čijoj promjeni su se do sada javljale nejasnoće i različita tumačenja.

U članu 13. brisan je stav (2) tarifnog broja, 28 jer situacija predviđena ovim stavom ne postoji.

U članu 14. briše se tarifni broj 31. iz razloga što situacija predviđena ovim tarifnim broj ne postoji, odnosno sud usmeno na zapisnik ne prima podneske, a izlaganja stranaka na ročištu koja se upisuju na zapisnik nisu podnesci.

U članu 15. dodaje se novi tarifni broj, kojim se propisuje tarifa sudske takse za izdavanje jedinstvenog pristupnog koda. Naime, dana 08.10.2012. godine stupile su na snagu Izmjene i dopune Pravilnika o sistemu za automatsko upravljanje predmetima u sudovima (CMS) kojim je članom u članu 80.d propisano da se naknada za izdavanje jedinstvenog pristupnog koda propisanog članom 77. stav 2. i 3 ovog Pravilnika naplaćuje u skladu sa Zakonom o taksama, koji se primjenjuje u sudu koji izdaje JPK. Kako do sada ovo nije bilo propisano zakonom, neophodno je istu propisati, kako bi sudovi za izvršenu radnju mogli naplatiti taksu.

**Finansijski efekti** za realizaciju ovog zakona nisu potrebna dodatna izdvajanja iz Budžeta.

**MINISTRICA**

Romana Brkić, dipl. pravica